

# ՄՏԵՓԱՆԱԿԵՐՏ,

## 30 ՀՈՒՆԻՍԻ

Ստեփանակերտում, Հաղթանակի հրապարակում շարունակվում են արտոնված մի տիևգները: Ժողովրդական տրիբունալում էին ԼՂԻՄ հատուկ կառավարման կոմիտեի անդամ Ս. Բարսեղյանը, կուսակցության Ստեփանակերտի քաղկոմի առաջին քարտուղար Վ. Աթաջանյանը: Կուսակցական, խորհրդային, արհմիութենական ղեկավար աշխատողներ: — Օրերս Հայկական ԽՍՀ Գերագույն խորհրդի նստաշրջանին մասնակցեցին նաև Լեռնային Ղարաբաղի ներկայացուցիչները, — իր ելույթում նշեց կուսակցության Ստեփանակերտի քաղկոմի երկրորդ քարտուղար Հրանտ Մելքումյանը: — Ղարաբաղի պատվիրակները հանդիպումներ ունեցան Երևանի առանձին հիմնարկ-ձեռնարկությունների ղեկավարների հետ: Մշակվեց համագործակցելու ծրագիր, խնդիր դրվեց, որ մարզկենտրոնում և շրջաններում բացվեն հաշտության միավորումների մասնաճյուղեր, բաժանումներ: Ծուռով հանձնաժողովներ կժամանեն մարզ և կոնկրետ գործնական քայլեր կարվեն այդ ուղղությամբ: Քանի որ դժվարացել է ավտոխճուղային հաղորդակցությունը մայր Հայաստանի հետ, շարք է մտել լրացուցիչ օդային երթուղի՝ Գորիս-Ստեփանակերտ, որն առաժմ կոչվում է փորձական: Այն աշխատում է հուլիսի 1-ից: ԼՂԻՄ սլատվիրակությունը հանդիպում ունեցավ նաև Արարատի շրջանի Արարատ գյուղում գործող «Էսվաշ» կոոպերատիվի կոլեկտիվի և նրա ղեկավար Ժորա Սամվելյանի հետ, որը խնդրել է

հաղորդել, որ կոոպերատիվի առաջին «Ժիգուլի» ավտոմեքենան կնվիրվի արցախցի բազմազավակ ընտանիքի: Պայմանների մասին արդեն գրվել է «Խորհրդային Ղարաբաղում»:

— Մենք, Մոսկվայում ապրող հազարավոր հայերս, չէինք կարող անտարբեր մնալ պատմական Արցախում և Հայաստանում ծավալված ազգային շարժման նկատմամբ, — իր ելույթում ասաց մոսկվայաբնակ Վալերի Օհանջանյանը: — Մենք ուշի-ուշով հետևում էինք, տատացիորեն կլանում սցստեղից ստացված յուրաքանչյուր լուր, ցավում ու տագնապում շարժման մակընթացության հետ: Այնտեղ, Մոսկվայում ևս տեղի են ունենում միտինգներ, որտեղ մենք արտահայտում էինք մեր միասնությունն ու համերաշխությունը շարժմանը: Ապրիլի 24-ին մեկուկես հազար հայեր Մոսկվայում միտինգ արեցինք և դատապարտեցինք 1915 թվականի հայկական ցեղասպանությունը և դեռ իր քաղաքական գնահատականը չստացած սումգայիքյան ոճրագործությունը: Մեր սիրտը այստեղ է, այս լեռներում:

Միտինգի մասնակիցներին հուզեց խորհրդային իրավաբանների կենտրոնական վարչության աստիացիայի անդամ Հենրիխ Աղաբեկովի խոսքը.

— Իմ հարազատներ, իմ հարենակիցներ: Հիշենք մեր պատմությունը, շնորհաբար մեր լեզուն, մեր գոյասպանությունն ու միջոցը: Արցախի ժողովուրդը հայ ժողովրդի համար խիստ ճակատագրական Սար

դարապատի ճակատամարտի ելքին քաջարի գործառնելով իր ներդրումն է ունեցել: Արցախն այժմ էլ համահայկական շարժման ավանգարդում է: Ունենանք համերություն, զգոնություն, երևույթների ըստի գնահատում:

Ղարաբաղյան ժողովրդի կուսկոմիտեի քարտուղար Ռոբերտ Քոչարյանը հակիրճ ինֆորմացիա տվեց Արցախում ժողովրդական ճակատի ստեղծման ուղղությամբ կատարվող քայլերի մասին: Նշվեց, որ մարզի 67 աշխատավորական արտադրական, տեղծագործական կոլեկտիվներում ստեղծվել են «Արցախյան հայոց շարժում» ժողովրդական ճակատի սկզբնական կազմակերպություններ, որոնք ընտրել են իրենց ներկայացուցիչները ժողովրդական ճակատի քաղաքային հիմնադիր կոնֆերանսի համար:

Միտինգում ելույթ ունեցան նաև բանաստեղծ Հրաչյա Բեգլարյանը, շինարար Ավետիս Գրիգորյանը, դասախոս Գրիգորի Աֆանսյանը, մտավորականության ներկայացուցիչներ: Դարձյալ հնչեց Արևաշի Մանուշարովի նկատմամբ խափանման միջոցը փոխելու պահանջը: Նշվեց, որ հուլիսի 1-ից քաղաքում ուղերթ կկատարի մեկ ավտոբուս, որն անվրճար կսպասարկի մարդկանց: Դա «Ամարաս» բարեգործական ընկերության նախաձեռնությունն է, որը հիվանդների, ծերերի, կանանց, երեխաների երթևեկությունը հեշտացնելու նպատակ է հետապնդում:

Միտինգի մասնակիցներն ընդունեցին դիմում՝ ուղղված ԽՄԿԿ Կենտկոմի գլխավոր քարտուղար, ԽՍՀՄ Գերագույն խորհրդի նախագահ Մ. Ս. Գորբաչովին և ԽՍՀՄ Գերագույն խորհրդի ժողովրդական դեպուտատներին:

Ն. ՍՈՂՈՄՈՆՅԱՆ